







錯言兵事徒
民寔塞等議
耐有文華

兵事諸書深
究利害之寔
不當以文字
觀之

按地形以畫
兵器之利孫

吳以來所未
發明者

此文最高古
似孫武子

按錯三書其
論邊備皆古

今不易之論
非直可施之

言兵事書

臣聞漢興以來胡虜數入邊地。小入則小利。大入則大利。高后時。再入隴西。攻城屠邑。毆略畜產。其後復入隴西。殺吏卒。大寇盜竊。聞戰勝之威。民氣百倍。敗兵之卒。沒世不復。自高后以來。隴西三困于匈奴矣。民氣破傷。亡有勝意。今茲隴西之吏。賴社稷之神靈。奉陛下之明詔。和輯士卒。底厲其節。起破傷之民。以當乘勝之匈奴。用少擊衆。殺一王。敗其衆。而法曰有大利。非隴西之民有勇怯。迺將吏之制巧拙異也。故兵法曰。有必勝之將。無必勝之民。繇此觀之。安邊境。

當時已也

得地形三句
是大綱兵法

曰以下至兵
之至要皆發

此意

此上言得地
形

此言卒服習

幾不當一等
字勢錯綜

一

卷四

四

立功名在于良將不可不擇也臣又聞用兵臨戰合
 刃_交之急者三一日得地形二曰卒服習三曰器用
 利兵法曰丈五之溝漸車之水_{漸浸}山林積石經川
 丘阜_{經水常流之水}草木所在此步兵之地也車騎
 二不當一土山丘陵曼衍相屬平原廣野此車騎之
 地也步兵十不當一平陵相遠川谷居間仰高臨下
 此弓弩之地也短兵百不當一兩陳相近平地淺草
 可前可後此長戟之地也劒楯三不當一荑葦竹蕭
 也_{荑推也葦葭也蕭蒿也}草木蒙籠枝葉茂接_{蒙籠覆蔽之貌}此矛鋌之
 地也_{鋌鐵把}長戟二不當一曲道相伏險阨相薄此

此言器用利

劍楯之地也。弓弩三不當。一士不選練。卒不服習。起居不精。動靜不集。集齊也趨利弗及。避難不畢。前擊後解。與金鼓之音相失。此不習勒卒之過也。百不當十。兵不完利。與空手同。甲不堅密。與袒裼同。弩不可以及遠。與短兵同。射不能中。與亡矢同。中不能入。與亡鏃同。此將不省兵之禍也。五不當一。故兵法曰。器械不利。以其卒予敵也。卒不可用。以其將予敵也。將不知兵。以其主予敵也。君不擇將。以其國予敵也。四者兵之至要也。臣又聞小大異形。彊弱異勢。險易異備。易平也夫卑身以事彊。小國之形也。合小以攻大。敵國

以蠻夷攻蠻夷亦孫吳未

見之言

凡事不貴術

數獨兵不厭

術數奇正巧

拙變化無窮

何可一以正

律之故錯所

謂用兵三急

者雖不假術

數亦可至于

以蠻夷攻蠻

夷直以詐相

使以罪人寔

塞下直以威

相劫此兵家

所不免也故

錯之術輔太

子則非言兵

之形也。以蠻夷攻蠻夷。中國之形也。今匈奴地形技

藝與中國異。上下山阪。出入溪澗。中國之馬弗與也。

險道傾仄。仄古側字且馳且射。中國之騎弗與也。風雨罷

勞。饑渴不困。中國之人弗與也。此匈奴之長技也。若

夫平原易地。輕車突騎。突騎言其驍銳可用衝突敵人也則匈奴之

衆易撓亂也。勁弩長戟。射疏及遠。疏闊遠也則匈奴之弓

弗能格也。堅甲利刃。長短相雜。遊弩往來。什伍俱前。

則匈奴之兵弗能當也。材官驍發。矢道同的。材官騎射官射

者。騶發其川矢同。則匈奴之革筈木薦弗能支也。革筈

中以皮作如鎧者。被之下馬地。鬪劒戟相接。去就相薄。

木薦以木板作如楯。

事則是

長戟恐誤或

者勁弩如今

九牛大弩以

槍為矢故可

射瓦及遠也

然戲有鈎又

不可射

今之胡兵並

聚而往往深

入突擊而中

國之長技不

得以自見鼂

錯云云似不

相及

雖然以下又

轉一意言勝

不可保必求

萬全之策正

是為處置降

則匈奴之足弗能給也此中國之長技也以此觀之

匈奴之長技三中國之長技五陛下又與數十萬之

眾以誅數萬之匈奴眾寡之計以一擊十之術也雖

然兵凶器戰危事也以大為小以彊為弱在俛仰之

間耳即讀夫以人之死爭勝跌而不振則悔之亡及

也帝王之道出于萬全今降胡義渠蠻夷之屬來歸

誼者其眾數千飲食長技與匈奴同可賜之堅甲絮

衣勁弓利矢益以邊郡之良騎令明將能知其習俗

和輯其心者以陛下之明約將之即有險阻以此當

之平地通道則以輕車材官制之兩軍相為表裏各

胡義渠而設

今降胡以下
所謂蠻夷攻

蠻夷也至此
方露主意

唐昭宗末年
往往用沙陀

之兵與藩鎮
之兵抗賊帥

此然沙陀之
衆剽悍而不

可制而唐卒
以此受困可

見漢兵與胡
兵相爲表裏

處所難者尤
在將領

用其長技衡加之以衆此萬全之術也傳曰狂夫之
言而明主擇焉臣錯愚陋昧死上狂言唯陛下財擇

林希元曰此疏首言用兵三急中述兵法一段又添

入將知兵君擇將二意爲兵家四要末言

匈奴中國長技歸結于處置降胡義渠一

事此其大主意也說出兵家利害華夷虛

實大畧無遺又一一切當真經世之文

張以忠曰各議石畫鑿鑿指陳文獨峻絕

又曰論兵法要領處嚴密精熟真有操萬全之

算者

論守邊備塞事

此篇叙事錯綜古矣

夫胡貉之地

以下是言其

執南北異執

正起兵者所

當知也是為

下文言癸卒

守邊不便設

數語畫然西京以下有此

臣聞秦時北攻胡貉。築塞河上。南攻楊粵。置戍卒焉。其起兵而攻胡粵者。非以衛邊地而救民死也。貪戾而欲廣大也。故功未立而天下亂。且夫起兵而不知其執。戰則為人禽。屯則卒積死。夫胡貉之地。積陰之處也。木皮三寸。冰厚六尺。食肉而飲酪。其人密理。鳥獸毳毛。密理謂其肌肉也。毳細毛也。其性能耐。讀寒。楊粵之地。少陰多陽。其人疏理。鳥獸希毛。其性能暑。秦之戍卒。不能其水土。戍者死于邊。輸者僨于道。僨仆也。秦民見行如往。棄市。因以謫發之名。曰謫戍。先發吏有謫及贅壻。

賈人後以嘗有市籍者又後以大父母父母嘗有市
籍者後入閭取其左閭里門也居閭之左者一切皆發之發之不順行
者深怨有背叛之心凡民守戰至死而不降北者以
計爲之也故戰勝守固則有拜爵之賞攻城屠邑則
得其財鹵以富家室故能使其衆蒙矢石赴湯火蒙
犯視死如生今秦之發卒也有萬死之害而亡銖兩
之報死事之後不得一算之復復復除也天下明知禍烈
及已也陳勝行戍至于大澤爲天下先倡天下從之
如流水者秦以威劫而行之之敝也胡人衣食之業
不著于地其執易以擾亂邊境何以明之胡人食肉

自百至此是
舉秦時之失
以爲鑒

自胡人衣食
之業至民不
安矣言發卒
備胡之不便
起下文選常
居家室田作
以備胡意

飲酪衣皮毛非有城郭田宅之歸居如飛鳥走獸于
廣塹美草甘水則止草盡水竭則移以是觀之往來
轉徙時至時去此胡人之生業而中國之所以離南
晦也今使胡人數處轉牧行獵于塞下或當燕代或
當上郡北地隴西以候備塞之卒卒少則入陛下不
救則邊民絕望而有降敵之心救之少發則不足多
發遠縣纔至則胡又已去聚而不罷爲費甚大罷之
則胡復入如此連年則中國貧苦而民不安矣陛下
幸憂邊境遣將吏發卒以治塞甚大惠也然今遠方
之卒守塞一歲而更不知胡人之能不如選常居者

事以爲殷鑒胡人衣食之業以下至民不
安矣言其不便處自今遠方之卒至未始
詳言其事綜理周密詞意明徹不是苟作
張以忠曰論旣精明文益切實筆高識老

論募民徙塞下事

晁錯之論邊
事其後先始
終皆有條理
始則欲用中
國之所長以
制匈奴之所
短帝從其策
矣于是請募
民免罪拜爵
使常居塞下
以禦匈奴帝
又從之矣則
又請為什五
之法以聯其
民屬其衆帝
又從之矣然
後請募民入
粟于邊以受

陛下幸募民相徙以實塞下使屯戍之事益省輸將之費益寡也將送甚大惠也下吏誠能稱厚惠奉明法存卹所徙之老弱善遇其壯士和輯其心而勿侵刻使先至者安樂而不思故鄉則貧民相募而勸往矣有卹所徙之老弱數語一篇意思微見于此頗似論使常居塞下冒自臣聞古之至終皆是明此意思微見于此頗似論以禦匈奴帝又從之矣則又請為什五之法以聯其民屬其衆帝又從之矣然界先為築室家有一堂二內門戶之閉二內二房也置器

爵免罪不過
三歲塞下之
聚必多帝又
從之矣然後
請邊食足支
五歲可令人
郡縣足支二
歲以上可時
款勿收民租
其于富國強
其之術秩秩
然各有條理
而緻密精熟
固非微倖一
試以要其功
者此西漢之
文章猶為有
用之學矣

物焉。民至有所居。作有所用。此民所以輕去故鄉而
勸之新邑也。之往也為置醫巫以救疾病。以修祭祀。男
女有昏。生死相卹。墳墓相從。種樹畜長。室屋完安。此
所以使民樂其處而有長居之心也。此下言駕馭之法臣又
聞古之制邊縣。以備敵也。使五家為伍。伍有長十長
一里。里有假士。四里一連。連有假五百。假大也。五百帥名也。十
連一邑。邑有假侯。皆擇其邑之賢材。有護。有護有保。護之能者。
也。習地形。知民心者。居則習民于射法。出則教民于
應敵。故卒伍成于內。則軍政定于外。服習以成。勿令
遷徙。幼則同遊。長則共事。夜戰聲相知。則足以相救。

晝戰目相見則足以相識謹愛之心足以相死如此
 而勸以厚賞威以重罰則前死不還踵矣旋踵回旋其足也
 所徙之民非壯有財力但費衣糧不可用也雖有財
 力不得良吏猶亡功也陛下絕匈奴不與和親臣竊
 意其冬來南也意疑之也一大治則終身創矣創懲艾也欲立
 威者始折膠折膠秋氣至膠所折弓弩可用匈奴常以為候而出軍來而不能
 困使得氣去使其得勝退志氣而去後未易服也愚臣亡識唯
 陛下財察

陳仁子曰言事貴有所處晁錯前章言徙民姑舉其

事後章言徙民乃審其宜舉其事則民有

所勸而徙審其宜則民有所樂而徙凡人
之情養生無所則重懷上之思器用不便
則憚遠行之苦况漢徙郭解關中徙豪傑
戍陵皆非其情今挈雞豚保社之民置之
干戈戰爭之場而無以處之則閭左之戍
起而亡秦涇原之卒起而叛唐錯之愛漢
適以害漢也錯其善言事哉

張以忠曰精詳明覈曲盡情事俱是實實可行非空
言無施者可比

枚乘奏吳王書

乘所上二書
一是治其病
病一是治其
已病皆對證
之藥而導皆
吐棄之止成
乘之名也悲
夫
篇中引喻凡
十有四五勢
沛若江河聯
若貫珠
以下設喻言
其事難濟至
說出安危禍
福之幾令人

臣聞得全者全昌失全者全亡。舜無立錐之地以有
天下。禹無十戶之聚。以王諸侯。湯武之士不過百里。
上不絕三光之明。下不傷百姓之心者。有王術也。故
父子之道。天性也。忠臣不避重誅以直諫。則事無遺
策。功流萬世。臣乘願披腹心而效愚忠。惟大王少加
意念。惻怛之心。于臣乘言。夫以一縷之任。繫千鈞之
重。上懸無極之高。下垂不測之淵。雖甚愚之人。猶知
哀其將絕也。馬方駭鼓而驚之。繫方絕。又重鎮之。繫
絕于天。不可復結。隊入深淵。難以復出。其出不出。間

凜凜

設利害兩端
使之自擇
可爲寒心

以下設喻言
息禍不如勿
爲

以下設喻明
已言之可信

不容髮能聽忠臣之言百舉必脫必若所欲爲危于
系卵難于上天變所欲爲易于反掌安于泰山今欲
極天命之壽敝無窮之樂究萬乘之勢不出反掌之
易以居泰山之安而欲乘系卵之危走上天之難此
愚臣之所以大惑也人性有畏其景而惡其迹者卻
背而走迹愈多景愈疾不知就陰而止景滅迹絕欲
人勿聞莫若勿言欲人勿知莫若勿爲欲湯之滄一
人炊之百人揚之無益也不如絕薪止火而已不絕
之于彼而救之于此譬猶抱薪而救火也養由基楚
之善射者也去楊葉百步百發百中楊葉之大加百

此下言禍福
起于細微成
于漸積

名言

總結上意不
專指末一事

中焉可謂善射矣。然其所止乃百步之內耳。比于臣
乘。未知操弓持矢也。福生有基。禍生有胎。納其基。絕
其胎。禍自何來。泰山之雷穿石。單汲之統斷榦。統音梗榦
井水非石之鑽。索非木之鋸。漸靡使之然也。夫銖銖
而稱之。至石必差寸寸而度之。至丈必過石。稱丈量
徑而寡失。夫十圍之木。始生而蘖。足可搔而絕。手可
擢而拔。據其未生。先其未形也。磨礧砥礪。不見其損。
有時而盡。種樹畜養。不見其益。有時而大積。德業行
不知其善。有時而用棄。義背理。不知其惡。有時而亡
臣願大王熟計而身行之。此百世不易之道也。

林希元曰此書是當吳王逆謀未露之先而諫之故
全不露出事情而長喻遠譬曲盡利害文
字起伏變化百態橫生

張以忠曰此文全是隱語而意極深至

又曰逐節翻覆絕無縫鬪而結構廻翔情文俱
妙

再說吳王

乘諫吳王書
能脫七發浮
艷詞為宏偉

指畫情事條
暢嚴明

此一段舉漢
家執力壓伏
吳王既不可
以理諭亦須
如此

昔者秦西舉胡戎之難。北備榆中之關。胡戎為難秦舉兵却之
南距羗祚之塞。東當六國之從。祚西南夷六國乘信陵之
藉。信陵君無忌常總五國却秦明蘇秦之約。厲荆軻之威。并力一
心。以備秦。然秦卒禽六國。滅其社稷。而并天下。是何
也。則地利不同。而民輕重不等也。今漢據全秦之地。
兼六國之眾。修戎狄之義。修恩義以撫戎狄而南朝羗祚。此
其與秦地相什。而民相百。大王之所明知也。言地多秦十倍
民多今夫諂諛之臣。為大王計者。不論骨肉之義。民
之輕重。國之大小。以為吳禍。此臣所以為大王患也。

夫舉吳兵以訾於漢訾量也譬猶蠅蚋之附羣牛腐肉

之齒利劍鋒接必無事矣齒猶觸也天子聞吳率失職諸

侯願責先帝之遺約今漢親誅其三公以謝前過三公

卓是諫體諷謂晁錯也爲御史大夫是大王威加于天下而功越於湯武也

其可已下以可樂歌之

夫吳有諸侯之位而實富於天子有隱匿之名而居

過於中國隱匿謂僻在東南夫漢并二十四郡十七諸侯方

輸錯出運行數千里不絕于道其珍怪不如東山之

府言漢此時有二十四郡十七諸侯方軌而輸雜轉出貢賦猶不如吳之富也東山吳王藏府也轉

粟西鄉陸行不絕水行滿河不如海陵之倉修治上

林雜以離宮積聚玩好園守禽獸不如長洲之苑游

五不如文執抑揚頓伏如此猶未至無策但漢不能忘吳也自此至終皆以害惕之

曲臺臨上路不如朝夕之池深壁高壘副以關城不如江淮之險此臣之所為大王樂也海陵之倉長洲苑朝夕之池江淮之險皆吳之所有今大王還兵疾歸尚得十半言王早還冀十分之中得半安全不然漢知吳之有吞天下之心也赫然加怒遣羽林黃頭循江而下羽林黃頭即襲水戰者襲大王之都魯東海絕吳之饒道吳饒軍自海入河故入魯梁王飾車騎習戰射積粟固守以備滎陽待吳之饑大王雖欲反都亦不得已夫三淮南之計不負其約吳楚反不從齊王殺身以滅其迹齊王聞吳楚平乃自殺四國不得出兵其郡膠東膠西濟北菑川四國發兵應吳楚趙四邯鄲此不可掩亦

周亞夫果以此取勝乘亦策士哉

迫動之極不獨患之直哀之矣

已明矣。漢將酈寄圍趙王於邯鄲與四無異也掩匿也今大王已去千里之

國而制于十里之內矣。吳地方千里梁下屯兵方十里言王必見制於此也張

韓將北地。謂將兵在吳軍之北也弓高宿左右。高

侯韓頽當也。兵不得下壁軍不得太息臣竊哀之願

大王熟察焉。

林希元曰此是吳王逆謀已露故諫之如此中間利

害禍福反覆詳盡可謂善言矣吳王不悟

卒取滅亡悲夫

張以忠口語語破其所恃理勢既明而格調尤俊

鄒陽諫吳王書

此篇全是戰國文而詞極

微

是時吳事有

端而新垣過

計之語又中

諸邪臣之忌

言雖忠安能

以相入哉

臣聞秦倚曲臺之宮。懸衡天下。衡猶稱之衡也言其懸法度于其上畫

地而不犯。兵加胡越。至其晚節末路。張耳陳勝連從

兵之據。以叩函谷。咸陽遂危。據引也言相引以為援也何則。列郡

不相親。萬室不相救也。今胡數涉北河之外。上覆飛

鳥。下不見伏菟。覆盡也言胡上射飛鳥下盡伏兔也闔城不休。救兵不

止。死者相隨。輦車相屬。轉粟流輸。千里不絕。流猶行也何

則彊趙責于河間。趙幽王為呂后所幽死文帝王其長子為鄭王取趙之河間立弟辟

疆為河間王。至子哀王無嗣。六齊望于惠后。高后割齊南郡

國除。遂欲復還得河間也。為呂台奉邑又割琅邪郡封營陵侯劉澤為琅邪王

文帝乃立悼惠王。六子為王。言六齊不保。今日之恩

而追怨惠帝城陽王喜也喜父章與

與呂后也當盡以趙地王章梁地王興居文帝聞其欲立齊王

更以二郡王之章失職歲餘薨興居誅死盧博濟北

王治處喜故三淮南之心思墳墓三淮南淮南厲王

顧念而怨也三子也思墓念其

父見殺欲大王不憂臣恐救兵之不專言諸國各有

報怨也志不肯專胡馬遂進窺于邯鄲越水長沙還舟青陽

救吳也青陽水名還舟聚舟也言胡雖使梁并淮陽之兵下

為趙難越為吳難不可恃也淮東越廣陵以過越人之糧漢亦折西河而下北守

漳水以輔大國胡亦益進越亦益深此臣之所為大

王患也大國謂臣聞蛟龍驤首奮翼則浮雲出苻霧

雨咸集聖王底節修德則游談之士歸義思名也底礪

辭故謬言胡

其計欲隱其

大國以破難

折西河以輔

越人之報漢

微言梁并淮

難齊趙之怨

故陳胡越之

不敢指斥言

南胡越欲諫

連結齊趙淮

陽知吳王陰

益進為大王

患之以錯亂其語若以吳為憂助漢者也自臣聞以下乃致其意焉
胡為趙隱語越吳隱語言漢皆有以待之是吳趙未足以為漢難也
詞語警健最為動人
往時趙淮南已如此可鑒也
有筆氣詞尤古勁

今臣盡智畢議易精極慮以收易精思則無國而不可
奸奸求飾固陋之心則何王之門不可曳長裾乎然
臣所以歷數王之朝背淮千里而自致者非惡臣國
而樂吳民也竊高下風之行尤說大王之義故願大
王無忽察聽其至至極也謂臣聞鷙鳥累百不如一
鶚夫全趙之時全趙趙未分之武力鼎士絃服叢臺
之下者一旦成市絃服大盛玄黃服也鼎士不能止
幽王之湛患幽王高帝子名友呂淮南連山東之俠
死士盈朝不能還厲王之西也淮南厲王長然則計
議不得雖諸賁不能安其位亦明矣諸賁專諸孟賁皆古勇士也

故願大王審畫而已始孝文皇帝據關入立寒心銷

志不明求衣文帝入關而立以天下多難故乃寒心戰慄未明而起自立天子

之後使東牟朱虛東哀義父之後天下已定文帝遣朱虛侯章東喻齊

此賈生筭吳王嘉其首舉兵欲誅諸呂猶春秋哀邾義父者也深刻嬰兒王之封齊王六子為王其

中有小壤子王梁代益以淮陽卒什濟北囚弟于雍

新垣平暗指吳之奸臣者豈非象新垣平等哉濟北王興居反棘蒲侯擊之興居自殺故曰什囚弟于雍

者謂淮南王長徙死于雍也象新垣平等者言今天

子新據先帝之遺業今天子左規山東右制關中變

權易執大臣難知大王弗察臣恐周鼎復起于漢新垣

平許言周鼎在泗水中弗迎則不至為吳新垣過計計者猶新垣平之言周鼎終不可得也

應上段意

二語正見其
難處

于朝也過誤則我吳遺嗣不可期于世矣言吳當絕滅無遺嗣也

高皇帝燒棧道水章邯章邯為雍王高祖以水灌其城破之兵不留行

言攻之易故不稽留也收敵民之倦東馳函谷西楚大破項羽西楚

也水攻則章邯以亡其城陸擊則荆王以失其地此

皆國家之不幾者也言國家不可廢幾有之也願大王熟察之吳王

不訥其言

劉勰曰鄒陽之說吳梁喻巧而理至

張以忠曰微辭婉中刺入心腑而筆力絕高

又曰沉雄爽快

李元

卷四

三

獄中上梁王書

鄒陽書此體古所未有獨起此格所以比物連類蓋情至窘迫故反覆引喻不能自已此書並復言斷簡而詞旨不屬特多嗚咽滄浪故能開梁王之襟幸以自脫要之非所以自訟也忠無不報四句一書關鍵以後段段發

臣聞忠無不報信不見疑。臣常以為然。徒虛語耳。昔者荆軻慕燕丹之義。白虹貫日。太子畏之。荆軻為燕刺秦王精誠格天能令白虹貫日而待其客未行不能使太子丹不疑畏衛先生為秦畫長平之事。太白蝕昴。昭王疑之。白起為秦伐趙破長平軍欲遂滅趙精誠上達能令太白蝕昴而使衛先生請兵。夫精變天地而信不喻益糧不能使昭王不疑。二兩主豈不哀哉。今臣盡忠竭誠。畢議願知。左右不明。卒從吏訊。為世所疑。是使荆軻衛先生復起。而燕秦不悟也。願大王熟察之。昔玉人獻寶。楚王誅之。李斯竭忠。胡亥極刑。是以箕子佯狂。接輿避世。恐遭此患。

此意

此上是第一

段與下第二

段是重有一

正一反意文

更奇

其情切故其

詞多複

每一援引一

結束即是以

以字故字接

下斷而不斷

一筆呵成

以上一頭却

番作兩段才

奇偉

自語曰至豈

足道哉總是

言白頭如新

傾蓋如故之

也。願大王熟察玉人李斯之意。而後楚王胡亥之聽。無使臣爲箕子接輿所笑。臣聞比干剖心。子胥鴟夷。臣始不信。乃今知之。願大王熟察。少加憐焉。語曰。有白頭如新。傾蓋如故。何則。知與不知也。故樊於期逃秦之燕。藉荊軻首以奉丹事。王奢去齊之魏。臨城自剄。以却齊而存魏。王奢齊人。士至魏。齊伐魏。奢登城謂齊將曰。今君之來。不過以奢之故。義不苟生。以夫王奢樊於期。非新于齊。秦而故于燕。魏也。所以去二國死兩君者。行合于志。慕義無窮也。是以蘇秦不信于天下。爲燕尾生。蘇秦于燕獨白圭戰亡六城。爲魏取中山。白圭爲中山將。亡六城。君欲殺之。亡入魏。文侯厚遇。

意

鄒陽從吳入

梁故引樊干

期上春以相

証別出一知

字

前已略題後

復詳說亦是

文字一法與

黃歇上秦書

同

慎嫉妬之不

容則寧隱

之還拔何則誠有以相知也蘇秦相燕人惡之燕王

中山

燕王按劍而怒食以駃騠白圭顯于中山人惡之魏

文侯文侯賜以夜光之璧何則兩主二臣剖心析肝

相信豈移于浮辭哉故女無美惡入宮見妬士無賢

不肖入朝見嫉昔司馬喜賸脚于宋卒相中山范雎

摺脇折齒于魏卒為應侯此二人者皆信必然之畫

捐朋黨之私挾孤獨之交故不能自免于嫉妬之人

也是以申徒狄蹈雍之河莊子申徒狄諫而不用負石投河徐衍負

石入海不容于世義不苟取比周于朝以移主上之

心故百里奚乞食于道路繆公委之以政甯戚飯牛

以賦體為文
體非體也喜
其有闕鎖故
氣格不走

前面文字凡
七變至此方
收拾說歸梁
王然不能盡
知特舉由余
子臧以見例

上無朱象管
蔡忽出此與

由余子臧為
偶今人所拘

古人文字正
不如此

車下桓公任之以國此二人者豈素宦于朝借譽于
左右然後二主用之哉感于心合于行堅如膠漆昆
弟不能離豈惑于眾口哉故偏聽生姦獨任成亂昔
魯聽季孫之說逐孔子宋任子冉之計囚墨翟夫以
孔墨之辯不能自免于讒諛而二國以危何則眾口
燦金眾口所惡積毀銷骨也秦用戎人由余而霸中
國齊用越人子臧而強威宣此二國豈拘于俗牽于
世繫奇偏之辭哉公聽竝觀垂名當世故意合則胡
越為兄弟由余子臧是矣不合則骨肉為讎敵朱象
管蔡是矣今人主誠能用齊秦之明後宋魯之聽則

懲有功之受
禍則寧隱

五霸不足侔而三王易爲也是以聖王覺寤捐子之
之心而不說田常之賢封比干之後脩孕婦之墓紂
婦孕故功業覆于天下何則欲善無厭也夫晉文公親
其讎强霸諸侯齊桓公用其仇而一匡天下何則慈
仁慤懃誠加于心不可以虛辭借也至夫秦用商鞅
之法東弱韓魏立强天下而卒車裂之越用大夫種
之謀禽勁吳而霸中國遂誅其身是以孫叔敖三去
相而不悔于陵子仲辭三公爲人灌園於陵子仲楚王聘以爲相
逃之而今人主誠能去驕傲之心懷可報之意披心
灌園腹見情素墮肝膽施德厚終與之窮達無愛于士則

此言士必爲
用示已必有
以報王勢
甚婉曲末句
一收復伸已
意有不盡之
旨
奇思逸態出
人意表

復說一遍更
有味

桀之犬可使吠堯。蹠之客可使刺繇。何況因萬乘之
權。假聖王之資乎。然則荆軻沈七族。秦不成而七族
盡要離燔妻子。要離爲闔閭刺慶忌而妻子先燔豈足爲大王道哉。
臣聞明月之珠。夜光之璧。以闇投人于道。衆莫不按
劍相眄者。何則。無因而至前也。蟠木根柢。輪囷離奇。
而爲萬乘器者。以左右爲之先容也。故無因而至前。
雖出隋珠和璧。祇結怨而不見德。有人先游。則枯木
朽株。樹功而不忘。今夫天下布衣窮居之士。身在貧
羸。雖蒙堯舜之術。挾伊管之辯。懷龍逢比干之意。而
素無根柢之容。雖竭精神。欲開忠于當世之君。則人

上面長喻廣
層至此始正

言之

引周秦二事
以見先容而
生禍無因而
建功

懲用之必由
先容則寧隱

主必襲按劍相眄之跡矣。是使布衣之士不得爲結
木朽株之資也。是以聖王制世御俗。獨化于陶鈞之
上。而不牽于卑辭之語。不奪于衆多之口。故秦皇帝
任中庶子蒙之言。以信荊軻。而匕首竊發。周文王獵
涇渭。載呂尚歸。以王天下。故秦信左右。而亡周。因烏
集而王。何則。以其能越拘攣之語。馳域外之議。獨觀
乎昭曠之道也。今人主沈諂諛之辭。牽帷裳之制。使
不羈之士。與牛驥同皁。此鮑焦所以忿于世也。臣聞
盛飾入朝者。不以私污義。底厲名號者。不以利傷行。
故里名勝母。地名曾子不入。邑號朝歌。墨子迴車。今欲

此篇用事太多而文亦浸趨于偶健蓋其病也然而論譴毀之禍至痛切可以爲世戒

使天下寥廓之士籠于威重之權脇于位勢之貴回面汚行以事諂諛之人而求親近于左右則士有伏死掘穴巖藪之中耳安有盡忠信而趨闕下者哉

孫

鑛曰其意悽愴其詞瑰瑋其氣豪宕真千古奇

作雖使事太多間有重複然急迫中求動人主言之不足故重言之要自不爲冗史公美其比物連類誠然大約亦微似賦體耳

張以忠曰援証痛切筆意沉快而結撰又復圓勁自是絕奇暢之作

董仲舒賢良策對一

董子三策明
天人之道達
性命之原可
謂得孔門正
傳足為百王
之大法也已

為學之道致
知力行而已
彊勉學問致
知也彊勉行
道力行也仲
舒斯言可謂

陛下發德音下明詔求天命與情性皆非愚臣之所
能及也臣謹按春秋之中視前世已行之事以觀天
人相與之際甚可畏也國家將有失道之敗而天乃
先出災害以譴告之譴責也不知自省又出怪異以警
懼之尚不知變而傷敗乃至以此見天心之仁愛人
君而欲止其亂也自非大亡道之世者天盡欲扶持
而全安之事在彊勉而已矣彊勉學問則聞見博而
知益明彊勉行道則德日起而大有功此皆可使還
還讀旋至而立有效者也詩曰夙夜匪懈書曰茂哉

得聖賢要旨
矣

首對在仰承
天心而興教
化以善治

仲舒識得本
源如正心可
以正朝廷如
說仁義禮樂
皆其具也如
此說話皆好

茂哉。皆彊勉之謂也。道者所繇適于治之路也。仁義
禮樂皆其具也。故聖王已沒。而子孫長久安寧數百
歲。此皆禮樂教化之功也。王者未作樂之時。乃用先
王之樂。宜于世者。而以深入教化于民。教化之情不
得雅頌之樂。不成。故王者功成作樂。樂其德也。樂者
所以變民風。化民俗也。其變民也。易其化民也。著故
聲發于和。而本于情。接于肌膚。藏于骨髓。故王道雖
微缺。而箎絃之聲未衰也。夫虞氏之不爲政久矣。然
而樂頌遺風。猶有存者。是以孔子在齊而聞韶也。夫
人君莫不欲安存而惡危亡。然而政亂國危者。甚衆。

所尊者非其道應所繇適治句

夙夜不懈卽是彊勉行善卽是繇道

仲舒之學粹矣不能不惑

所任者非其人而所繇者非其道是以政日以什滅也。夫周道衰于幽厲非道亡也。幽厲不繇也。至于宣王。思昔先王之德。興滯補弊。明文武之功業。周道粲然復興。詩人美之而作。上天祐之爲生賢佐。後世稱誦。至今不絕。此夙夜不懈行善之所致也。孔子曰。人能弘道。非道弘人也。故治亂廢興在于已。非天降命不可得反。其所操持諄諄失其統也。臣聞天之所大奉使之王者。必有非人力所能致而自至者。此受命之符也。天下之人同心歸之。若歸父母。故天瑞應誠而至。書曰。白魚入于王舟。有火復于王屋。流爲烏。謂

伐

于符命此其短

紂之時有此瑞也復歸也

此蓋受命之符也。周公曰：復哉復哉。孔

子曰：德不孤，必有鄰。皆積善纍德之效也。及至後世。

淫佚衰微，不能統理，羣生諸侯皆畔，殘賊良民以爭。

壤土，廢德教而任刑罰。刑罰不中，則生邪氣。邪氣積

于下，怨怒畜于上。

畜聚也

上下不和，則陰陽繆盭而妖

孽生矣。

孽災也

此災異所緣而起也。臣聞命者，天之令

也。性者，生之質也。情者，人之欲也。或夭或壽，或仁或

鄙，陶冶而成之，不能粹美。

陶以造瓦，冶以鑄金，言天之生人有似于此也。粹，純

也。有治亂之所生，故不齊也。孔子曰：君子之德風也。

小人之德草也。草上之風，必偃。故堯舜行德，則民仁。

此等見解本
六經來
仲舒是策講
天下治亂之
理可謂詳矣
舉而行之皆

壽桀紂行暴則民鄙天夫上之化下下之從上猶泥
之在鈞唯甄者之所爲甄作瓦之人鈞猶金之在鎔
唯冶者之所鑄鎔鑄器模範也綏之斯來動之斯和此之謂
也臣謹按春秋之文求王道之端得之于正正謂正月也
正次王王次春春者天之所爲也正者王之所爲也
其意曰上承天之所爲而下以正其所爲正王道之
端云爾然則王者欲有所爲宜求其端于天天道之
大者在陰陽陽爲德陰爲刑刑主殺而德主生是故
陽常居大夏而以生育養長爲事陰常居大冬而積
于空虛不用之處以見天之任德不任刑也天使陽

足以助治

古今文系

卷四

三

出布施于上而主歲功使陰入伏于下而時出佐陽

陽不得陰之助亦不能獨成歲終陽以成歲為名以卒

陽名歲尚德不尚刑也謂年首稱春也此天意也王者承天意以從事

故任德教而不任刑刑者不可任以治世猶陰之不

可任以成歲也為政而任刑不順于天故先王莫之

肯為也今廢先王德教之官而獨任執法之吏治民

母乃任刑之意與孔子曰不教而誅謂之虐虐政用

于下而欲德教之被四海故難成也臣謹按春秋謂

一元之意隱公始即位不稱一年而言元年一者萬物之所從始也

元者辭之所謂大也易稱元者善之長也故曰辭之所為大謂一為元

方武帝之初其時務莫切于正始董子之對議論淵源理義醞藉勉強行道之

論正心正官
之論其有裨
帝之初政不
少

自正心以正
朝廷至王道
終矣一段即
大學所謂心
正身修家齊
國治而天下
平中庸所謂
致中和而天
地位萬物育
者而仲舒得
之其學粹矣
仲舒對策一
正字公孫弘

者視大始而欲正本也。春秋深探其本而反自貴者
始。故爲人君者正心以正朝廷。正朝廷以正百官。正
百官以正萬民。正萬民以正四方。四方正遠近莫敢
不壹于正。而亡有邪氣奸其間者。奸犯也是以陰陽調
而風雨時。羣生和而萬民殖。五穀熟而草木茂。天地
之間被潤澤而大豐美。四海之內聞盛德而皆俸臣。
諸福之物可致之。祥莫不畢至。而王道終矣。孔子曰。
鳳鳥不至。河不出圖。吾已矣夫。自悲可致此物而身
卑賤不得致也。今陛下貴爲天子。富有四海。居得致
之位。操可致之執。操執持也又有能致之資。資材質也行高而

對策一和字
便見其人品

正誦

興教化只在
學校禮法上

仲舒名儒也
多得春秋要
義所對切中
當世之病如
罷斥百家表
章六經其功

恩厚。知明而意美。愛民而好士。可謂誼主矣。然而天
地未應而美祥莫至者。何也。凡以教化不立而萬民
不正也。夫萬民之從利也。如水之走下。不以教化隄
防之。不能止也。是故教化立而姦邪皆正者。其隄防
完也。教化廢而姦邪竝出。刑罰不勝者。其隄防壞也。
古之王者。明于此。是故南面而治天下。莫不以教化
爲大務。立大學以教于國。設庠序以化于邑。漸民以
仁。摩民以誼。漸謂浸潤之。摩謂砥礪之。節民以禮。故其刑罰甚輕。
而禁不犯者。教化行而習俗美也。聖王之繼亂世也。
掃除其迹而悉去之。復修教化而崇起之。教化已明。

習俗已成子孫循之

循順也順而行之也

行五六百歲尚未敗

也。至周之末世大為亡道以失天下秦繼其後獨不

能改又益甚之重禁文學不得挾書棄捐禮誼而惡

聞之其心欲盡滅先聖之道而顓為自恣苟簡之治

苟謂苟于權利也簡謂簡于仁義也

故立為天子十四歲而國破亡矣

自古以來未嘗有以亂濟亂大敗天下之民如秦者

也

濟益也

其遺毒餘烈至今未滅使習俗薄惡人民囂

頑抵冒殊扞

口不道忠信之言為囂心不則德誼之經為頑抵觸也冒犯也殊絕也扞距也

孰爛如此之甚者也孔子曰腐朽之木不可雕也糞

土之墻不可圻也今漢繼秦之後如朽木糞墻矣雖

西漢儒者惟
一仲舒其學
純乎孔孟其
告君亦必以
堯舜爲法七
篇而後未有
及市

欲善治之。亡可奈何。法出而姦生。令下而詐起。如以
湯止沸。抱薪救火。愈甚亡益也。竊譬之琴瑟不調。甚
者必解而更張之。乃可鼓也。爲政而不行。甚者必變
而更化之。乃可理也。當更張而不更張。雖有良工。不
能善調也。當更化而不更化。雖有大賢。不能善治也。
故漢得天下以來。常欲善治。而至今不可善治者。失
之于當更化而不更化也。古人有言曰。臨淵羨魚。不
如退而結網。今臨政而願治七十餘歲矣。不如退而
更化。更化則可善治。善治則災害日去。福祿日來。詩
云。宜民宜人。受祿于天。爲政而宜于民者。固當受祿。

于天。夫仁誼禮知信五常之道。王者所當修飾也。五者修飾。故受天之祐而享鬼神之靈。德施于方外。延及羣生也。

劉勰曰。仲舒之對祖述春秋本陰陽之化。究列代之變。煩而不恩者。事理明也。

張以忠曰。原本經術。盱衡世務。理正詞醇。真一代大儒學問。

又曰。發明天人相與之際。語既精微。至論及王道終始。參究淵微。使武帝大展其學。則所爲更化善治。比跡先王者。宜必有以自見。

而顧令爲諸侯王相反不得與曲學阿世
之平津後先秉軸帝之用不能盡其才惜
矣

賢良策對二

對首
其
異焉乃
策之故仲
又對云云

言帝王勞逸
逐事條對每
段各以臣聞
起之而文勢
不至懈散者
以其段二有
歸結故也

臣聞堯受命以天下為憂而未以位為樂也。故誅逐亂臣，務求賢聖，是以得舜禹稷，咎繇眾聖輔德。賢能佐職，教化大行，天下和洽，萬民皆安。仁樂誼，各得其宜，動作應禮，從容中道。故孔子曰：「如有王者，必世而後仁。」此之謂也。堯在位七十載，廼遜于位，以禪虞舜。堯崩，天下不歸堯子丹朱，而歸舜。舜知不可辟，乃即天子之位，以禹為相，因堯之輔佐，繼其統業。是以垂拱無為，而天下治。孔子曰：「韶盡美矣，又盡善也。」此之謂也。至于殷紂，逆天暴物，殺戮賢知，殘賊百姓，伯

說前代理亂
皆繇賢臣用
不用致然可
見王者必得
聖賢輔佐乃
能興理致治
蓋隱然有自
任意

夷大公皆當世賢者隱處而不爲臣守職之人皆奔
走逃亡入于河海天下眊亂萬民不安眊不故天下
去殷而從周文王順天理物師用賢聖是以閔天太
顛散宜生等亦聚于朝廷愛施兆民天下歸之故太
公起海濱而卽三公也當此之時紂尙在上尊卑昏
亂百姓散亡故文王悼痛而欲安之是以日昃而不
暇食也孔子作春秋先正王而繫萬事見素王之文
焉見顯繇此觀之帝王之條貫同然而勞逸異者所
遇之時異也孔子曰武盡美矣未盡善也此之謂也
臣聞制度文采玄黃之飾所以明尊卑異貴賤而勸

奢儉皆非中制然與其不

孫也寧固仲

舒言之不詳

武帝侈心之

啓未必不由

于此

言重教化而

省刑罰

有德也。故春秋受命。所先制者。改正朔。易服色。所以應天也。然則宮室旌旗之制。有法而然者也。故孔子曰。奢則不遜。儉則固。儉非聖人之中制也。臣聞良玉不琢。資質潤美。不待刻琢。此士異于達巷黨人不學而自知也。然則常玉不琢。不成文章。君子不學。不成其德。臣聞聖王之治天下也。少則習之學。長則材諸位。隨其材之優劣而授爵祿。以養其德。刑罰以威其惡。故民曉于禮誼。而恥犯其上。武王行大誼。平殘賊。周公作禮樂。以文之。至于成康之隆。囹圄空虛。四十餘年。此亦教化之漸。而仁誼之流。非獨傷肌膚之效。

更化善治豈
無其道

申商流毒一
至于此

也。至秦則不然。師申商之法。行韓非之說。申申不害也。商商鞅也。憎帝王之道。以貪狼爲俗。狼性貪。故謂貪爲貪狼也。非有文德。以教訓于天下也。誅名而不察實。誅責也。爲善者不必免。而犯惡者未必刑也。是以百官皆飾空言虛辭。而不顧實外有事。君之禮內有背上之心。造僞飾詐。趣利無恥。又好用憯酷之吏。憯痛也。賦歛亡度。竭民財力。百姓散亡。不得從耕織之業。群盜竝起。是以刑者甚衆。死者相望。而姦不息。俗化使然也。故孔子曰。導之以政。齊之以刑。民免而無恥。此之謂也。今陛下并有天下。海內莫不率服。廣覽兼聽。極群下之知。盡天下

武帝徒聞而

不尊徒知而

不行正其受

病之本故仲

舒箴之

在乎加之意

正應王心未

加旬

此言養士求

賢

之美至德昭然施于方外夜郎康居殊方萬里說德

歸誼夜郎西南夷也此太平之致也然而功不加于

百姓者殆王心未加焉曾子曰尊其所聞則高明矣

行其所知則光大矣高明光大不在于他在于加之意

而已願陛下因用所聞設誠于內而致行之則三

王何異哉陛下親耕藉田以為農先夙寤晨興憂勞

萬民思惟往古而務以求賢此亦堯舜之用心也然

而未云獲者士素不厲也厲砥礪其行也夫不素養士而欲

求賢譬猶不琢玉而求文采也故養士之大者莫大

庠太學太學者賢士之所關也關絲也教化之本原也

中舒應詔獨
陳王道故其
言如此

此言重守令

王化不治

于守令失職

守令貪暴

于選舉變遷

二帝三王之

治不復見于

今者職此之

故仲舒及此

誠有見哉

卷四

卷四

卷四

今以一郡一國之衆對亡應書者。書謂舉賢良文是學之詔書也王道往往而絕也。臣願陛下興太學置明師以養天下之士。數考問以盡其財。則英俊宜可得矣。今之郡守縣令民之師帥。所使承流而宣化也。故師帥不賢。則主德不宜。恩澤不流。今吏既亡教訓于下。或不承用主上之法。暴虐百姓。與姦爲市。言小吏有爲姦欺者守令不舉乃反與之交易。貧窮孤弱。冤苦失職。甚不稱陛下之意。是以陰陽錯繆。氛氣充塞。群生寡遂。黎民未濟。皆長吏不明。使至于此也。夫長吏多出于郎中。中郎吏二千石子弟。選郎吏。又以富訾。未必賢也。且古所謂功者。

東坡謂破庸人之論開功名之門正是此意

千古同弊

天下未嘗無賢也列侯郡守非不能舉也但恐賢不肖不辨而賞罰倒施耳

以任官稱職為差差次非所謂積日累久也故小材雖累日不離于小官賢材雖未久不害為輔佐是以有司竭力盡知務治其業而以赴功今則不然累日以取貴積久以致官是以廉恥貿亂賢不肖渾殽未得其真臣愚以為使諸列侯郡守二千石各擇其吏民之賢者歲貢各二人以給宿衛且以觀大臣之能所貢賢者有賞所貢不肖者有罰夫如是諸侯吏二千石皆盡心于求賢天下之士可得而官使也官使受之其材也徧得天下之賢人則三王之盛易為而堯舜之名可及也毋以日月為功實試賢能為上量材

于是帝乃復
策之

而授官錄德而定位。錄謂存視也則廉恥殊路。賢不肖異處矣。陛下加惠寬仁之罪。令勿牽制于文。使得切磋究之。臣敢不盡愚。

唐順之曰。設誠致行中。武帝之病興學一議得用賢。

根本

張以忠曰。段段以孔子証結。是仲舒學術正處。

賢良策對三

通篇發孔孟所未發

立論極粹確
不可易而布
局結調則又
整嚴八山歌
儒者之文

臣聞論語曰有始有卒者其唯聖人。庠今陛下幸加
惠。畱聽于承學之臣。承學言轉承師說而學之也復下明冊以切
其意而究盡聖德非愚臣之所能具也。前所上對條
貫靡竟。統紀不終。辭不別白。指不分明。此臣淺陋之
罪也。冊曰善言天者必有徵于人。善言古者必有驗
于今。臣聞天者羣物之祖也。故徧覆包函而無所殊。
建日月風雨以和之。經陰陽寒暑以成之。故聖人法
天而立道。亦溥愛而亡私。布德施仁以厚之。設誼立
禮以導之。春者天之所以生也。仁者君之所以愛也。

言天下而古
今在其中

故春秋之所
譏數語非學
貫天人之際
者不能言

夏者天之所以長也。德者君之所以養也。霜者天之
所以殺也。刑者君之所以罰也。繇此言之。天人之徵。
古今之道也。孔子作春秋。上揆之天道。下質諸人情。
參之于古。考之于今。故春秋之所譏。災害之所加也。
春秋之所惡。怪異之所施也。書邦家之過。兼災異之
變。以此見人之所爲。其美惡之機。乃與天地流通而
往來相應。此亦言天之一端也。古者修教訓之官。務
以德善化民。民已大化之後。天下常亡一人之獄矣。
今世廢而不修。亡以化民。民以故棄行誼而死財利。
是以犯法而罪多。一歲之獄。以萬千數。以此見古之

此解命性情
亦說得是但
尚樸之解似
尚未十分見
得

不可不用也

古謂古法也

故春秋變古則譏之天令之謂

命命非聖人不行質樸之謂性性非教化不成人欲
之謂情情非度制不節是故王者上謹于承天意以
順命也下務明教化民以成性也正法度之宜別上
下之序以防欲也修此三者而大本舉矣人受命于
天固超然異于羣生入有父子兄弟之親出有君臣
上下之誼會聚相遇則有耆老長幼之施粲然有文
以相接粲明貌驩然有恩以相愛此人之所以貴也生
五穀以食之桑麻以衣之六畜以養之服牛乘馬圈
豹檻虎是其得天之靈貴于物也故孔子曰天地之

深微之識非
諸儒所解

性人爲貴。明于天性。知自貴于物。知自貴于物。然後
知仁。誼。知仁。誼。然後重禮節。重禮節。然後安處善。處善
于以爲安處善。然後樂循禮。循順樂循禮。然後謂之
君子。故孔子曰。不知命。亡以爲君子。此之謂也。冊曰。
上加唐虞。下悼桀紂。寢微寢滅。寢明寢昌之道。虛心
以改。臣聞聚少成多。積小致鉅。鉅大也故聖人莫不以
晻致明。以微致顯。是以堯發於諸侯。舜興于深山。非
一日而顯也。蓋有漸以致之矣。言出于已。不可塞也。
行發于身。不可掩也。言行治之大者。君子之所以動
天地也。故盡小者大。慎微者著。詩云。惟此文王。小心

善喻

婉曲轉頓文
法極宕文氣
極道

翼翼故兢兢日行其道而舜業業日致其孝善積而名顯德章而身尊此其寢明寢昌之道也積善在身猶長日加益而人不知也積惡在身猶火銷膏而人不見也非明虐情性察虐流俗者孰能知之此唐虞之所以得令名而桀紂之可爲悼懼者也夫善惡之相從如景鄉之應形聲也故桀紂暴謾讒賊竝進賢知隱伏惡日顯國日亂晏然自以如日在天晏然自安也如日在天終寢夷而大壞夫暴逆不仁者非一日言終不墜也而亡也亦以漸至故桀紂雖亡道然猶享國十餘年此其寢微寢滅之道也冊曰三王之教所祖不同而

千年以來各
儒議論俱祖
之

皆有失以謂久而不易者道也。意豈異哉。臣聞夫樂而不亂復而不厭者謂之道。復謂反復行之也。道者萬世亡弊弊者道之失也。先王之道必有偏而不起之處。故政有毗而不行。舉其偏者以補其弊而已矣。三王之道所祖不同。非其相反。將以抹溢扶衰所遭之變。然也。故孔子曰。亡爲而治者其舜歟。改正朔易服色以順天命而已。其餘盡循堯道何更爲哉。故王者有改制之名亡變道之實。然夏上忠殷上質周上文者所繼之抹當用此也。繼謂所按先代之次也。抹謂救其弊也。孔子曰。殷因于夏禮。所損益可知也。周因于殷禮。所損益可知也。

道之大原數
句此仲舒見
道分明處故
宋儒多引之

周文不可盡
變宜少損之
夏忠則當極
其用故曰致
致字當屬下
句

其或繼周者雖百世可知也此言百王之用以此三
者矣夏因于虞而獨不言所損益者其道如一而所
上同也道之大原出于天天不變道亦不變是以禹
繼舜舜繼堯三聖相受而守一道亡救弊之政言政
和平
不須救故不言其所損益也繇是觀之繼治世者其
弊也
道同繼亂世者其道變今漢繼大亂之後若宜少損
周之文致用夏之忠者陛下有明惠嘉道愍世俗之
靡薄悼王道之不昭靡散也薄輕
也昭明也故舉賢良方正之
士論誼考問將欲興仁誼之休德明帝王之法制建
太平之道也臣愚不肖述所聞誦所學道師之言塵

能勿失耳。若廼論政事之得失。察天下之息耗。

息生也耗

虛也

此大臣輔佐之職。三公九卿之任。非臣仲舒所能

及也。然而臣竊有怪者。夫古之天下。亦今之天下。今之天下。亦古之天下。共是天下。古亦大治。上下和睦。習俗美盛。不令而行。不禁而止。吏亡奸邪。民亡盜賊。囹圄空虛。德潤草木。澤被四海。鳳凰來集。麒麟來游。以古準今。壹何不相逮之遠也。安所繆繆而陵夷。若是意者。有所失于古之道。與有所詭于天之理。與。違也。試迹之古。返之于天。黨可得見乎。夫天亦有所分。予予之齒者。去其角。傅其翼者。兩其足。

傅著也言是鳥不四足

漢時已如此
今復何如吾
願載高者猛
然一省

所受大者不得取小也。古之所予祿者，不食于力，不

動于末。

末謂工商之業也。

是亦受大者不得取小，與天同意。

者也。夫已受大，又取小，天不能足，而况人乎？此民之

所以囂囂苦不足也。

囂讀聲也。

身寵而載高位，家溫

而食厚祿。

載乘也。

因乘富貴之資，力以與民爭利于下。

民安能如之哉？是故衆其奴婢，多其牛羊，廣其田宅，

博其產業，畜其積委，務此而亡已，以迫蹙民，民日削

月朘。

朘謂轉蹙也。

寢以大窮，富者奢侈，羨溢，貧者窮急，愁

苦。

羨饒也。

窮急愁苦，而上不救，則民不樂生，民不樂生，

尚不避死，安能避罪？此刑罰之所以蕃，而奸邪不可

勝者也

蕃多也

故受祿之家食祿而已不與民爭業然

後利可均布而民可家足此上天之理而亦太古之

道天子之所宜法以爲制大夫之所當循以爲行也

故公儀子相魯

公儀子公儀休也

之其家見織帛怒而出其

妻食于舍而茹葵慍而拔其葵

食菜曰茹

曰吾已食祿又

奪園夫紅女利虐古之賢人君子在列位者皆如是

是故下高其行而從其教民化其廉而不貪鄙及至

周室之衰其卿大夫緩于誼而急于利亡推讓之風

而有爭田之訟故詩人疾而刺之曰節彼南山惟石

巖巖赫赫師尹民具爾瞻爾好誼則民鄉仁而俗善

三篇之對皆爾汝
自孔孟門戶

中出來與孔

子之答袁公

孟子之答惠

王同一機軸

漢武帝不用

乃使相江都

與魯哀梁惠

會何異乎常

怪韓子序道

統以荀楊繼

孔孟而不及

仲舒是豈知

道者與

董仲舒名儒
也多得春秋

爾汝
爾好利則民好邪而俗敗繇是觀之天子大夫

者下民之所視效遠方之所四面而內望也近者視

而放之遠者望而效之也放依豈可以居賢人之位而

為庶人行哉夫皇皇求財利常恐乏匱者庶人之意

也皇皇求仁義常恐不能化民者大夫之意也易曰

負且乘致寇至乘車者君子之位也負擔者小人之

事也此言居君子之位而為庶人之行者其患禍必

至也若居君子之位當君子之行則舍公儀休之相

魯亡可為者矣春秋大一統者天地之常經古今之

通誼也一統者萬物之今師異道人異論百家殊方

一統者萬物之
統皆歸于一也

要義所對深
中當時之病
如黜百家
表章六經其
功不在孟子
下何謂繼而
不切乎劉蕡
雖直非其匹
也

指意不同是以上古以持一統法制數變下不知所
守臣愚以爲諸不在六藝之科孔子之術者皆絕其
道勿使竝進邪僻之說滅息然後統紀可一而法度
可明民知所從矣

真德秀曰西漢儒者惟一仲舒其學純乎孔孟其告
君亦必以堯舜蓋自七篇之後未有及此
者使帝置仲舒于左右承弼之地必能以
二帝三王之道日陳于前純愆糾繆格其
非心安得有極意奢淫之失窮兵夷狄之
禍又安得惑邪臣之譖興巫蠱之獄而致

父子隔絕闕庭流血之變哉故剡三策之言尤切者著于此以見武帝雖有志于學而實不知所以學爲可惜也

張以忠曰天人古今篇中貫串極密開閣極整

又曰三篇闕閣精深學術文章誠卓不可及矣
孝武三問文采雋邁直凌董生以上亦宜
竝讀



